

Հաստատված է  
ՀԱՅԷԿՈՆՈՄԲԱՆԿ ԲԲԸ Վարչության  
16.04.2026թ. թիվ 71/02-16.04.26 որոշմամբ  
Վարչության նախագահ  
Ա. Առաքելյան

Ուժի մեջ է մտնում 05.05.2026թ.  
Հրապարակման ամսաթիվը 16.04.2026թ.  
Ամփոփագրում նշված պայմանները կարող են փոփոխված լինել,  
մանրամասն տեղեկատվության համար դիմել Բանկ



**ՏԵՂԵԿԱՏՎԱԿԱՆ ԱՄՓՈՓԱԳԻՐ  
«ՃԿՈՒՆ» ԺԱՄԿԵՏԱՅԻՆ ԱՎԱՆԴԻ**

# «ՃԿՈՒՆ» ԺԱՄԿԵՏԱՅԻՆ ԱՎԱՆԴ

«ՀԱՅԷԿՈՆՈՄԲԱՆԿ» ԲԲԸ-ն (այսուհետ՝ Բանկ) ֆիզիկական անձ հաճախորդներից «ՃԿՈՒՆ» ժամկետային ավանդը ներգրավում է ներքոնշյալ պայմաններով՝

Ավանդի ժամկետ՝ 733 օր			Բանկի գործունեության վայրում ներդնելու դեպքում**		«AEB Online»/«AEB Mobile» համակարգերով ներդնելու դեպքում	
Տոկոսի վճարում՝ ամսական						
Արժույթ	Ավանդի ներդրման նվազագույն շեմ/մնացորդ	Ավանդի ներդրման առավելագույն շեմ/մնացորդ*	Տարեկան անվանական տոկոսադրույք	Տարեկան տոկոսային եկամտաբերություն	Տարեկան անվանական տոկոսադրույք	Տարեկան տոկոսային եկամտաբերություն
ՀՀ դրամ (AMD)	200,000	50,000,000	8.00%	8.30%	8.25%	8.57%
ԱՄՆ դոլար (USD)	400	100,000	3.00%	3.04%	3.25%	3.30%
ԵՎՐՈ (EUR)	400	100,000	1.00%	1.00%	1.25%	1.26%
ՌԴ ռուբլի (RUB)	20,000	10,000,000	4.75%	4.85%	5.00%	5.12%

\* Առավելագույն գումարը գերազանցող ծավալով ավանդը ընդունվում է կողմերի համաձայնությամբ՝ սահմանվելով պայմանագրով:

\*\* Ավանդի ընդունման ծառայություն մատուցվում է Բանկի Գլխամասային գրասենյակում և մասնաճյուղերում (ցանկին կարող եք ծանոթանալ՝ <https://www.aeb.am/hy/branch-service-network>), բացառությամբ Բանկի «ԱՐԱՐԱՏՅԱՆ» և «ՍԻԼԱԶԻ» մասնաճյուղերի, որտեղ տվյալ ծառայությունը չի մատուցվում:

## Տարեկան տոկոսային եկամտաբերություն

ՈՒՇԱԴՐՈՒԹՅՈՒՆ՝ ՁԵՐ ՀԱՇՎՈՒՄ ԱՌԿԱ ՄԻՋՈՑՆԵՐԻ ՆԿԱՏՄԱՄԲ ՏՈԿՈՍԱԳՈՒՄԱՐՆԵՐԸ ՀԱՇՎԱՐԿՎՈՒՄ ԵՆ ԱՆՎԱՆԱԿԱՆ ՏՈԿՈՍԱԴՐՈՒՅՔԻ ՀԻՄԱՆ ՎՐԱ: ԻՍԿ ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅՈՒՆԸ ՑՈՒՅՑ Է ՏԱԼԻՍ, ԹԵ ՈՐՔԱՆ ԵԿԱՄՈՒՏ ԿՍՏԱՆԱՅԻՔ ԴՈՒՔ՝ ՁԵՐ ԿՈՂՄԻՑ ԱՎԱՆԴԻ ՀԵՏ ԿԱՊԿԱԾ ՊԱՐՏԱԴԻՐ ՎՃԱՐՆԵՐ ԿԱՏԱՐԵԼՈՒ ԵՎ ՍԱՀՄԱՆՎԱԾ ՊԱՐԲԵՐԱԿԱՆՈՒԹՅԱՄԲ ՎԱՍՏԱԿԱԾ ՏՈԿՈՍԱԳՈՒՄԱՐՆԵՐԸ ՍՏԱՆԱԼՈՒ ԱՐԴՅՈՒՆՔՈՒՄ: ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅԱՆ ՀԱՇՎԱՐԿՄԱՆ ԿԱՐԳԸ ԿԱՐՈՂ ԵՔ ԳՏՆԵԼ ՀԵՏԵՎՅԱԼ ՀԱՍՑԵՈՒՄ՝ <https://www.arlis.am/hy/acts/53049> :

Ավանդի տարեկան տոկոսային եկամտաբերությունը հաշվարկվում է ՀՀ կենտրոնական բանկի կողմից սահմանված կարգով՝ հետևյալ բանաձևով.

$$APY = (1+r/n)^n - 1$$

որտեղ՝



[www.aeb.am](http://www.aeb.am)

8686 | +374-8000 -8686 | 010-510-910

Բանկը վերահսկվում է ՀՀ ԿԲ կողմից

1. APY – տարեկան տոկոսային եկամտաբերությունն է:
2. r – տարեկան պարզ տոկոսադրույքն է:
3. n – մեկ տարվա ընթացքում տոկոսագումարների կապիտալացման հաճախականությունն է:

## Ընդհանուր պայմաններ

1. Ավանդի տեսակը՝ Ժամկետային:
2. Ավանդը ներդրվում է 733 օր ժամկետով:
3. Հաշվեգրված տոկոսագումարը չի կապիտալացվում և վճարվում է Ավանդատուին ամսական պարբերականությամբ:
4. Տոկոսագումարը հաշվարկվում է ներդրված Ավանդի փաստացի մնացորդի վրա: Հաշվարկը կատարվում է՝ հիմք ընդունելով տարվա փաստացի օրերի քանակը՝ 365 օր, իսկ նահանջ տարվա համար՝ 366 օր:
5. Ավանդի տոկոսները հաշվարկվում են Ավանդը Բանկ մուտք լինելու օրվանից մինչև այն Ավանդատուին վերադարձնելու նախորդ օրը:
6. Արտարժույթային ավանդի տոկոսները ավանդային պայմանագրով կամ Ավանդատուի դիմումի համաձայն ՀՀ դրամով վճարվելու դեպքում փոխարկումը կատարվում է՝ հիմք ընդունելով տոկոսների վճարման նախորդ օրը ՀՀ ԿԲ կողմից հրապարակված արժույթային շուկայում ձևավորված միջին փոխարժեքով:
7. Ավանդի տոկոսները Ավանդատուի կողմից չստանալու դեպքում՝ դրանց վրա տոկոսներ չեն հավելագրվում:
8. Սույն ավանդատեսակով ներգրավվող ավանդների /մնացորդի/ համար սույն ամփոփագրով գործող նվազագույն գումարային շեմից պակաս չի կարող կազմել ներդրվող ավանդը/մնացորդը/, ինչպես նաև առավելագույն գումարային շեմից ավել չի կարող կազմել ներդրվող ավանդը/մնացորդը/, բացառությամբ ավանդային պայմանագրի կողմերի փոխադարձ համաձայնությամբ սահմանված դեպքերի:
9. Ավանդը կամ դրա մասը մինչև Ավանդի վերադարձման ժամկետի լրանալը պահանջելու դեպքում՝
  - եթե պահանջվող Ավանդի կամ դրա մասի՝ Բանկում ներդրված օրերի քանակը 90 օրից պակաս է, ապա այդ գումարի նկատմամբ ավանդային պայմանագրի 2.1 կետով սահմանված տոկոսների փոխարեն ենթակա են հաշվարկման տոկոսներ՝ տարեկան 0 % տոկոսադրույքի չափով, որից ավել հաշվարկված և փաստացի Ավանդատուին վճարված տոկոսագումարի չափով Ավանդը համարվում է վերադարձված:
  - եթե պահանջվող Ավանդի կամ դրա մասի՝ Բանկում ներդրված օրերի քանակը 90 օր կամ ավել է, ապա այդ գումարի նկատմամբ ներդրման օրվանից մինչև վերադարձման նախորդ օրը ավանդային պայմանագրի 2.1 կետով սահմանված տոկոսները ենթակա են հաշվարկման և վճարման Ավանդատուին:
10. Ավանդատուն կարող է ավելացնել Ավանդին լրացուցիչ գումարներ (որոնց նկատմամբ

հաշվարկվում են ավանդային պայմանագրի 2.1 կետով սահմանված տոկոսները՝ մինչև Ավանդի վերադարձման ժամկետին նախորդող 90-րդ օրը ներառյալ, բայց ոչ ավել, քան Ավանդի համար սահմանված գումարային առավելագույն շեմն է:

11. Ավանդի ավելացումից հետո Ավանդի կամ դրա մասի վաղաժամկետ վերադարձի պահանջի դեպքում՝ ըստ ժամանակային հաջորդականության վերադարձվում են սկզբնական ներդրված գումարները, այնուհետև ավելացումները՝ համաձայն սույն ամփոփագրի 9. կետի դրույթների:

12. Բանկը չի կարող ավանդային պայմանագրի գործողության ընթացքում միակողմանի նվազեցնել պայմանագրով սահմանված տոկոսադրույքը:

13. Եթե Ավանդի վերադարձման ժամկետը լրանալուց հետո Ավանդը չի պահանջվել, ապա մինչև Ավանդի փաստացի պահանջվելը դրա դիմաց հաշվարկվում են տոկոսներ՝ Բանկում գործող բանկային հաշիվներին առկա դրամական միջոցների համար Բանկի սահմանած տոկոսների չափով:

14. Բանկն ավանդային պայմանագրում նշված պարբերականությամբ, որը չպետք է գերազանցի մեկ ամիսը, Ավանդատուին տրամադրում է իր ավանդային հաշվի վերաբերյալ քաղվածք ավանդային պայմանագրում կամ Ավանդատուի դիմումով նշված եղանակով, բացառությամբ այն դեպքի, երբ հաշվետու ժամանակաշրջանում տվյալ հաշիվը չի դեբետագրվել կամ կրեդիտագրվել: Բանկը Ավանդատուի կողմից պահանջ ներկայացնելու դեպքում պարտավոր է 5-օրյա ժամկետում տրամադրել հաշվի քաղվածք: ***Ավանդային հաշվի քաղվածքը տրամադրվում է անվճար:***

15. Երրորդ անձանց կողմից ավանդը չի կարող համալրվել:

Այլ անձանց կողմից ֆիզիկական անձ Ավանդատուի Ավանդը օգտագործելու կամ տնօրինելու լիազորությունները ընդունվում են, եթե լիազորությունը տրվել է նոտարով (վերջինիս հավասարեցված անձանց) վավերացված լիազորագրով կամ Բանկում անձամբ Ավանդատուի կողմից՝ պաշտոնատար անձի ներկայությամբ և հաստատումով ձևակերպված ու ստորագրված գրավոր լիազորագրով:

16. Հաճախորդը կարող է Բանկին ներկայացնել իր հարցերը, առաջարկները, բողոքները, պահանջները՝ Բանկին գրավոր դիմելով, որին 10 աշխատանքային օրվա ընթացքում Բանկի կողմից տրվում է պատասխան:

17. Հաճախորդն իր բողոք-պահանջները կարող է ներկայացնել ՀՀ Ֆինանսական համակարգի հաշտարարին՝ «Ֆինանսական համակարգի հաշտարարի մասին» ՀՀ օրենքով սահմանված կարգով, դեպքերում ու պայմաններով: Բանկը հրաժարվել է վիճարկել Ֆինանսական համակարգի հաշտարարի այն որոշումները, որոնցով գույքային պահանջի չափը չի գերազանցում 100,000 (մեկ հարյուր հազար) ՀՀ դրամը:

18. Հաճախորդի և Բանկի միջև ծագած վեճերը բանակցություններով չլուծվելու դեպքում կարող են լուծվել Արբիտրաժի կամ ՀՀ իրավասու մարմնի (ՀՀ դատարաններ, ՀՀ նոտարներ՝ ՀՀ օրենսդրությամբ սահմանված կարգով և դեպքերում) միջոցով:

19. Բանկը հանդիսանում է հարկային գործակալ ֆիզիկական անձ հաճախորդների համար, որոնցից ներգրավված ավանդների դիմաց վճարվող տոկոսագումարները ենթակա են հարկման ՀՀ

Հարկային օրենսգրքով սահմանված կարգով և չափով:

20. Առանձին հաճախորդների համար կողմերի համաձայնությամբ կարող են սահմանվել տարեկան անվանական տոկոսադրույքի այլ չափ և/կամ ավանդի այլ պայման:

### Երաշխավորված ավանդի չափեր

Ավանդների հատուցումը երաշխավորվում է «Ֆիզիկական անձանց բանկային ավանդների հատուցումը երաշխավորելու մասին» ՀՀ օրենքի համաձայն:

Վերոնշյալ օրենքով սահմանված կարգով երաշխավորված ավանդի չափերն են՝

ա) եթե ավանդատուն անվճարունակ բանկում ունի միայն դրամային բանկային ավանդ, ապա երաշխավորված ավանդի չափը տասնվեց միլիոն հայկական դրամ է.

բ) եթե ավանդատուն անվճարունակ բանկում ունի միայն արտարժութային բանկային ավանդ, ապա երաշխավորված ավանդի չափը յոթ միլիոն հայկական դրամ է.

գ) եթե ավանդատուն անվճարունակ բանկում ունի դրամային և արտարժութային բանկային ավանդներ, և դրամային բանկային ավանդի գումարը յոթ միլիոն հայկական դրամից ավելի է, ապա երաշխավորվում է միայն դրամային ավանդը՝ մինչև տասնվեց միլիոն հայկական դրամով.

դ) եթե ավանդատուն անվճարունակ բանկում ունի դրամային և արտարժութային բանկային ավանդներ, և նրա դրամային բանկային ավանդի գումարը պակաս է յոթ միլիոն հայկական դրամից, ապա երաշխավորվում է դրամային բանկային ավանդն ամբողջությամբ և արտարժութային բանկային ավանդը՝ յոթ միլիոն դրամի և հատուցված դրամային բանկային ավանդի տարբերության չափով:

Ավանդատուի՝ նույն բանկում ունեցած բոլոր դրամային ավանդները համարվում են մեկ ավանդ, բացառությամբ չերաշխավորված ավանդների և ավանդատուի՝ նույն բանկում ունեցած բոլոր արտարժութային ավանդները համարվում են մեկ ավանդ, բացառությամբ չերաշխավորված ավանդների:

### Տոկոսների հաշվարկման օրինակներ

Բանկի գործունեության վայրում ավանդը ներդնելու դեպքում	
Ներդրված գումար	5,000,000 ՀՀ դրամ
Տոկոսների վճարում	Ամսական
Ավանդի ժամկետ /օր/	733
Տարեկան անվանական տոկոսադրույք	8.00%
Ստացվելիք տոկոսներ մինչև եկամտային հարկով հարկվելը (ՀՀ դրամ)	803,287.70
Ստացվելիք տոկոսներ եկամտային հարկով (10%) հարկվելուց հետո (ՀՀ դրամ)	722,958.90

«AEB Online»/«AEB Mobile» համակարգերով ավանդը ներդնելու դեպքում	
Ներդրված գումար	10,000 ԱՄՆ դոլար
Տոկոսների վճարում	Ամսական
Ավանդի ժամկետ /օր/	733
Տարեկան անվանական տոկոսադրույք	3.25%
Ստացվելիք տոկոսներ մինչև եկամտային հարկով հարկվելը (ԱՄՆ դոլար)	652.67
Ստացվելիք տոկոսներ եկամտային հարկով (10%) հարկվելուց հետո (ԱՄՆ դոլար)	587.40

Հաշվարկներում տարին ընդունվել է 365 օր:

### Այլ դրույթներ

ԲԱՆԿԸ «ՓՈՂԵՐԻ ԼՎԱՑՄԱՆ և ԱՀԱԲԵԿՉՈՒԹՅԱՆ ՖԻՆԱՆՍԱՎՈՐՄԱՆ ԴԵՄ ՊԱՅՔԱՐԻ ՄԱՍԻՆ» ՀՀ ՕՐԵՆՔՈՎ ՍԱՀՄԱՆՎԱԾ ՀԱՃԱԽՈՐԴԻ ՊԱՏՇԱՃ ՈՒՍՈՒՄՆԱՍԻՐՈՒԹՅԱՆ ՆՊԱՏԱԿՈՎ ԿԱՐՈՂ Է «ՃԱՆԱԶԻՐ ՔՈ ՀԱՃԱԽՈՐԴԻՆ» («KNOW YOUR CUSTOMER») ՍԿԶԲՈՒՆՔԻ ՀԻՄԱՆ ՎՐԱ ՊԱՀԱՆՋԵԼ ԼՐԱՑՈՒՑԻՉ ՓԱՍՏԱԹՂԹԵՐ ԿԱՄ ԱՅԼ ՏԵՂԵԿՈՒԹՅՈՒՆՆԵՐ, ԻՆՉՊԵՍ ՆԱԵՎ ԲԱՆԱՎՈՐ ՀԱՂՈՐԴԱԿՑՄԱՆ ԸՆԹԱՑՔՈՒՄ ԼՐԱՑՈՒՑԻՉ ՀԱՐՑԵՐ ՏԱԼ ՀԱՃԱԽՈՐԴԻՆ:

ՕՏԱՐԵՐԿՐՅԱ ՀԱՇԻՎՆԵՐԻ ՀԱՐԿԱՅԻՆ ՀԱՄԱՊԱՏԱՍԽԱՆՈՒԹՅԱՆ ԱԿՏԻ (FOREIGN ACCOUNT TAX COMPLIANCE ACT (FATCA)) ՀԻՄԱՆ ՎՐԱ ԱՄՆ-Ի ՀԵՏ ԿՆՔԱԾ ՀԱՄԱՁԱՅՆԱԳՐԻ ՀԱՄԱՁԱՅՆ ԲԱՆԿԸ ՀԱՃԱԽՈՐԴԻ՝ ԱՄՆ ՀԱՐԿԱՏՈՒ ՀԱՆԴԻՍԱՆԱԼՈՒ ՀԱՆԳԱՄԱՆՔԸ ՊԱՐՉԵԼՈՒ ՀԱՄԱՐ ԿԱՐՈՂ Է ԻՐԱԿԱՆԱՑՆԵԼ ՀԱՃԱԽՈՐԴԻՑ ԼՐԱՑՈՒՑԻՉ ՏԵՂԵԿԱՏՎՈՒԹՅԱՆ ՀԱՎԱՔԱԳՐՈՒՄ:

ՀԱՃԱԽՈՐԴԻ ԱՅԼ ԵՐԿՐԻ ՀԱՐԿԱՏՈՒ ՀԱՆԴԻՍԱՆԱԼՈՒ ՀԱՆԳԱՄԱՆՔԸ ՊԱՐՉԵԼՈՒ ՀԱՄԱՐ ԲԱՆԿԸ ԿԱՐՈՂ Է ԻՐԱԿԱՆԱՑՆԵԼ ՀԱՃԱԽՈՐԴԻՑ ԼՐԱՑՈՒՑԻՉ ՏԵՂԵԿԱՏՎՈՒԹՅԱՆ ՀԱՎԱՔԱԳՐՈՒՄ՝ ՏՆՏԵՍԱԿԱՆ ՀԱՄԱԳՈՐԾԱԿՑՈՒԹՅԱՆ ԵՎ ԶԱՐԳԱՑՄԱՆ ԿԱԶՄԱԿԵՐՊՈՒԹՅԱՆ (ՏՀՁԿ) ԿՈՂՄԻՑ ՀՐԱՊԱՐԱԿՎԱԾ ՄԻԱՍՆԱԿԱՆ ՀԱՇՎԵՏՎՈՂԱԿԱՆ ՍՏԱՆԴԱՐՏԻ ՊԱՀԱՆՋՆԵՐԻ ՀԻՄԱՆ ՎՐԱ:

ԴՈՒՔ ԻՐԱՎՈՒՆՔ ՈՒՆԵՔ ՀԱՂՈՐԴԱԿՑՎԵԼ ՖԻՆԱՆՍԱԿԱՆ ԿԱԶՄԱԿԵՐՊՈՒԹՅԱՆ ՀԵՏ ՁԵՐ ՆԱԽԸՆՏՐԱԾ ԵՂԱՆԱԿՈՎ՝ ՓՈՍՏԱՅԻՆ ԿԱՊԻ ՄԻՋՈՑՈՎ ԿԱՄ ԷԼԵԿՏՐՈՆԱՅԻՆ ԵՂԱՆԱԿՈՎ: ԷԼԵԿՏՐՈՆԱՅԻՆ ԵՂԱՆԱԿՈՎ ՏԵՂԵԿԱՏՎՈՒԹՅԱՆ ՍՏԱՑՈՒՄԸ ԱՄԵՆԱՀԱՐՄԱՐԱՎԵՏՆ Է: ԱՅՆ ՀԱՍԱՆԵԼԻ Է 24/7 ՌԵԺԻՄՈՎ, ԶԵՐԾ Է ԹՂԹԱՅԻՆ ՏԵՂԵԿԱՏՎՈՒԹՅԱՆ ԿՈՐՍՏԻ ՌԻՍԿԵՐԻՑ ԵՎ ԱՊԱՀՈՎՈՒՄ Է ԳԱՂՏՆԻՈՒԹՅՈՒՆ:

ՈՒՇԱԴՐՈՒԹՅՈՒՆ՝ «ՁԵՐ ՖԻՆԱՆՍԱԿԱՆ ՏԵՂԵԿԱՏՈՒՆ»՝ [www.fininfo.am](http://www.fininfo.am), ՖԻԶԻԿԱԿԱՆ ԱՆՁԱՆՑ ԱՌԱՋԱՐԿՎՈՂ ԾԱՌԱՅՈՒԹՅՈՒՆՆԵՐԻ ՈՐՈՆՄԱՆ, ՀԱՄԵՄԱՏՄԱՆ ԵՎ ՁԵՐ ՀԱՄԱՐ ԱՄԵՆԱՐԴՅՈՒՆԱՎԵՏ ՏԱՐԲԵՐԱԿԻ ԸՆՏՐՈՒԹՅՈՒՆԸ ՀԵՇՏԱՑՆՈՂ ԷԼԵԿՏՐՈՆԱՅԻՆ ՀԱՄԱԿԱՐԳ Է:



## Ավանդը ներդնելու համար պահանջվում է

- Ավանդատուի (նրա ներկայացուցչի) անձը հաստատող փաստաթուղթ,
- Հանրային ծառայությունների համարանիշը պարունակող փաստաթուղթ (օտարերկրյա քաղաքացիների համար՝ առկայության դեպքում), կամ
- Հանրային ծառայությունների համարանիշ չստանալու վերաբերյալ տեղեկանք,
- Համապատասխան արժույթով բանկային հաշվի բացում (համապատասխան արժույթով բանկային հաշիվ չունենալու դեպքում): Բանկային հաշվի բացումն ու սպասարկումն իրականացվում են համաձայն «Բանկային ծառայությունների մատուցման» ընդհանուր պայմանների և «Հաշիվների բացման, սպասարկման և այլ ծառայությունների» տեղեկատվական ամփոփագրի (կարող եք ծանոթանալ՝ <https://www.aeb.am/hy/conditions-and-tariffs>): Սույն ավանդը ներդնելիս տվյալ ստորաբաժանումում համապատասխան արժույթով բանկային հաշիվ չունենալու դեպքում հաշվի բացման սակագինը սահմանվում է անվճար, ինչպես նաև արտարժույթային ավանդների դեպքում, եթե Ավանդատուն ցանկանում է տոկոսները ստանալ ՀՀ դրամով, ապա տվյալ ստորաբաժանումում դրամային բանկային հաշիվ չունենալու դեպքում հաշվի բացման սակագինը սահմանվում է անվճար:
- Ելնելով տարաբնույթ հանգամանքներից՝ կարող են պահանջվել լրացուցիչ փաստաթղթեր և տեղեկատվություն:

## Հատուկ առաջարկներ

Ելնելով ավանդի ծավալից՝ Բանկը ավանդատուներին տրամադրում է անվճար տարեկան սպասարկման վարձով վճարային քարտ՝

- Մինչև 10,000,000 ՀՀ դրամ (համարժեք արտարժույթ) ներդնելու դեպքում՝ Visa Classic/Mastercard Standard/ArCa Classic քարտատեսակներից որևէ մեկը,
- 10,000,001 – 30,000,000 ՀՀ դրամ (համարժեք արտարժույթ) ներդնելու դեպքում՝ Visa Classic/Mastercard Standard/ArCa Classic/Visa Gold/Mastercard Gold քարտատեսակներից որևէ մեկը,
- 30,000,001 ՀՀ դրամ (համարժեք արտարժույթ) և ավել ներդնելու դեպքում՝ Visa Classic/Mastercard Standard/ArCa Classic/Visa Gold/Mastercard Gold/Visa Platinum քարտատեսակներից որևէ մեկը:

Վճարային քարտերի տրամադրման և սպասարկման պայմանները սահմանված են «Վճարային քարտերի և քարտային հաշվի» տեղեկատվական ամփոփագրով (կարող եք ծանոթանալ՝ <https://www.aeb.am/hy/conditions-and-tariffs>):